


## ХII. КОРХОНА ВА ОБЪЕКТЛАРНИ ХУСУСИЙЛАШТИРИШ



Ўзбекистон Республикаси давлат активларини бошқариш агентлигининг маълумотига кўра, 2020 йилнинг январь-декабрь ойларида 837 та (дастур доирасидаги ва дастурдан ташқари объектларни қўшган ҳолда) корхона ва объектлар (кейинги ўринларда - объектлар) хусусийлаштирилди.

### Хусусийлаштиришнинг асосий кўрсаткичлари (2020 йил январь-декабрь ҳолатига кўра)


	Хусусийлаштирилган корхона ва объектлар сони		Давлат активларини сотишдан олинган тушумлар	
	бирлик	жамига нисбатан фоизда	млн. сўм	жамига нисбатан фоизда
Ўзбекистон Республикаси	837	100,0	456 373,4	100,0
Қорақалпоғистон Республикаси	38	4,5	12141,9	2,7
<i>вилоятлар:</i>				
Андижон	66	7,9	4 604,7	1,0
Бухоро	63	7,5	25 875,5	5,7
Жиззах	90	10,8	6 668,1	1,5
Қашқадарё	83	9,9	14 375,0	3,2
Навоий	22	2,6	7 050,1	1,5
Наманган	24	2,9	21 079,9	4,6
Самарқанд	52	6,2	7 804,2	1,7
Сурхондарё	32	3,8	5 487,2	1,2
Сирдарё	28	3,4	4 644,5	1,0
Тошкент	114	13,6	37 584,50	8,2
Фарғона	150	17,9	24 326,5	5,3
Хоразм	30	3,6	15 259,0	3,3
Тошкент ш.	45	5,4	108 156,0	23,7
Агентлик МА	-	-	161 316,4	35,4

Ҳисобот даврида энг кўп хусусийлаштирилган объектлар сони Фарғона вилоятида – 150 та (17,9%), Тошкент вилоятида 114 та (13,6 %), Жиззах вилоятида – 90 та (10,8%), Қашқадарё вилоятида – 83 та (9,9 %), Андижон вилоятида – 66 та (7,9%), Бухоро вилоятида – 63 та (7,5%), Тошкент шаҳрида – 45 та (5,4 %) ни ташкил этди.

## Корхона ва объектларни хусусийлаштириш



**2020 йилнинг январь-декабрида вазирлик ва идоралар кесимида хусусийлаштирилган давлат объектларининг таркиби (жамига нисбатан % да)**



- Маҳаллий ҳокимият органлари
- Давлат активларини бошқариш агентлиги
- Уй-жой коммунал хизмат кўрсатиш вазирлиги
- Транспорт вазирлиги
- Соғлиқни сақлаш вазирлиги
- Бошқалар

Хусусийлаштирилган давлат мулки объектлари таркибида энг кўп улуш маҳаллий ҳокимиятларга 604 та объект (республика бўйича жами хусусийлаштирилган объектларнинг 72,2 % и), Давлат активларини бошқариш агентлигига – 128 та объект (15,3 %), Уй-жой коммунал хизмат кўрсатиш вазирлиги – 23 та (2,7 %), Транспорт вазирлиги – 23 та (2,7%), Соғлиқни сақлаш вазирлигига – 16 та объект (1,9 %) тўғри келди.

2020 йилнинг январь-декабрида давлат мулкини сотишдан тушган тушумлар 456,4 млрд. сўмни ташкил қилди.



**2020 йилнинг январь-декабрида республика ҳудудлари кесимида давлат мулкини сотишдан тушган тушумлар таркиби (жамига нисбатан % да)**



Ҳудудлар кесимида давлат мулкини сотишдан тушган тушумларнинг асосий қисми Агентлик МАга (барча тушумларнинг 35,4 % и), Тошкент шаҳри (23,7 %), Тошкент (8,2 %), Бухоро (5,7%), Фарғона (5,3 %) ва Наманган (4,6 %) вилоятлари ҳиссасига тўғри келди.


**Корхона ва объектларни хусусийлаштириш**



➤ Давлат нотулар жой фондидан самарали фойдаланиш мақсадида 2020 йилнинг январь-декабрида объектларни ижарага бериш бўйича 24,2 мингдан ортиқ ижара шартномалари тузилди.



➤ Натижада 7,2 мингдан ортиқ янги иш ўринлари яратилди.



➤ Давлат мулкни ижарага беришдан тушган тушумлар жами 129,8 млрд. сўмни ташкил этди.



➤ Ҳудудлар кесимида давлат мулкни ижарага беришдан тушган тушумларнинг асосий қисми Тошкент шаҳрига (барча тушумларнинг 55,6 % и), Тошкент (6,7 %), Андижон (5,1 %), Фарғона (4,7 %) ва Хоразм (4,4 %) вилоятларига тўғри келди.

## Статистик кўрсаткичларга изоҳлар

**Давлат тасарруфидан чиқариш** – давлат корхоналарини ва ташкилотларини хўжалик ширкатлари ва жамиятларига, оммавий мулк бўлмайдиган бошқа корхоналар ва ташкилотларга айлантиришдир.

**Хусусийлаштириш** – жисмоний шахсларнинг ва давлатга тааллуқли бўлмаган юридик шахсларнинг оммавий мулк объектларини ёки давлат акциядор жамиятларининг акцияларини давлатдан сотиб олишидир.

**Давлат кўчмас мулк объектлари бўйича савдолар (ким ошди савдолари)** – сотувчи ёки кўчмас мулк ташкилоти, шунингдек, ким ошди савдолари ва ким ошди савдоларини ташкил этиш ва ўтказиш бўйича хизматларни кўрсатувчи ихтисослашган ташкилот, шу жумладан, электрон шаклда, Ўзбекистон Республикаси Вазирлар Маҳкамаси томонидан белгиланган тартибда давлат кўчмас мулк объектларини сотишни ташкиллаштириш.

**Харидор** - қонун ҳужжатларига мувофиқ, давлат мулки бўлган кўчмас мулк объекти (бундан буён матнда олди-сотди шартномаси деб юритилади) учун сотувчи билан олди-сотди шартномасини тузган нодавлат юридик ёки жисмоний шахс (Ўзбекистон Республикаси резиденти ёки норезиденти).

**Инвестиция мажбурияти** – инвестор томонидан инвестиция лойиҳасида назарда тутилган муайян мақсадларга эришиш учун олган мажбурияти.

**Ижтимоий мажбуриятлар** – пул қийматига эга бўлмаган ва қонунга зид бўлмаган шаклларда амалга ошириладиган давлат мулкни сотишда харидор томонидан қабул қилинган мажбуриятлар.

**Аукцион** – танлов асосида харидор билан савдонинг шакли, бунда унга энг юқори нархни таклиф этган иштирокчи давлат мулкни сотиш шартномасини тузиш ҳуқуқини олади. Аукционлар очик ёки ёпиқ бўлиши мумкин.

**Балансда сақловчи** – балансида давлат кўчмас мулки бўлган юридик шахс.

**Бошланғич нарх** – ким ошди савдосига очик мулкни бериш учун сотувчи томонидан белгиланган нарх.